

GWYBODAETH I DDARPAR FABWYSIADWYR A HYSBYSIAD PREIFATRWYDD

Mai 2108

Beth yw Cofrestr Fabwysiadu Cymru

Mae Cofrestr Fabwysiadu Cymru yn wasanaeth canfod teuluoedd sy'n cynnwys cronfa ddata o blant sy'n disgwyl am deuluoedd mabwysiadol a darpar fabwysiadwyr cymeradwy sydd ar gael. Rydym yn defnyddio'r wybodaeth ar y gronfa ddata er mwyn creu cyfuniadau posib rhwng plant a darpar fabwysiadwyr. Rydym hefyd yn cynnal ystod o weithgareddau i baru teuluoedd â phlant. Mae'r digwyddiadau hyn yn cynnig cyfleoedd i ddarpar fabwysiadwyr fod yn rhagweithiol yn y broses canfod teulu ac maent yn cynnig gwybodaeth uniongyrchol i fabwysiadwyr am blant sy'n aros i gael eu paru.

Caiff Cofrestr Fabwysiadu Cymru ei weithredu gan Wasanaeth Mabwysiadu Cenedlaethol Cymru ar ran Llywodraeth Cymru.

Sut mae Cofrestr Fabwysiadu Cymru yn gweithio ar gyfer plant.

Ein nod yw cwtogi ar yr amser y mae plentyn yn aros am deulu mabwysiadol drwy weithio'n agos gyda'r holl asiantaethau mabwysiadu ledled Cymru. Pan fo cynllun mabwysiadu plentyn wedi'i gadarnhau, bydd ei weithiwr cymdeithasol ef neu hi yn ceisio dod o hyd i deulu mabwysiadol yn rhanbarth y plentyn. Fodd bynnag, os wedi cyfnod o dri mis, nad yw'r gweithiwr cymdeithasol yn dod o hyd i deulu bydd yn cyfeirio manylion y plentyn at Gofrestr Fabwysiadu Cymru. Caiff chwiliadau cyson eu gwneud o'r gronfa ddata i chwilio am gyfuniadau posib gyda darpar fabwysiadwyr ledled Cymru yn ogystal â dangos y plant mewn digwyddiadau canfod teulu.

Sut mae Cofrestr Fabwysiadu Cymru yn gweithio i Ddarpar Fabwysiadwyr

Unwaith i chi gael eich cymeradwyo gan asiantaeth fabwysiadu, gwneir pob ymdrech i ddod o hyd i blentyn neu blant i chi. Mae'n bosib y bydd plentyn eisoes wedi ei nodi gan eich asiantaeth ac os felly bydd eich gweithiwr cymdeithasol yn cofrestru eich manylion gyda Cofrestr Fabwysiadu Cymru i ddibenion ystadegol. Mae hyn er mwyn galluogi'r Gwasanaeth Mabwysiadu Cenedlaethol i gadw trosolwg o'r angen am leoliadau mabwysiadu ac i nodi unrhyw newidiadau efallai y bydd angen i ni wneud i'n harfer yn y dyfodol.

Os na cheir rhywun i gyfateb o fewn dim mwy na thri mis o gael eich cymeradwyo fel rhiant mabwysiadol, bydd eich gweithiwr cymdeithasol yn gyrru atgyfeiriad at Gofrestr Fabwysiadu Cymru ynghyd a'ch Adroddiad Darpar Fabwysiadwr (ADF) a briff profil.

Os cewch eich nodi yn gyswllt addas i blentyn, bydd gweithiwr cymdeithasol y plentyn yn anfon gwybodaeth atoch a bydd eich profil ar y gofrestr yn cael ei rewi am ddim mwy na thair wythnos. Os yw'r gweithiwr cymdeithasol yn penderfynu y gall y cyswllt fod yn un addas, bydd

trafodaethau yn cael eu cynnal rhyngoch chi a'r asiantaeth fabwysiadu. Os nad yw'r cyswllt yn mynd rhagddo daw eich manylion yn rhydd i gael eu gweld unwaith eto gyda chysylltiadau pellach i blant sydd yn aros.

Cydsyniad a Chyfrinachedd.

Bydd eich gweithiwr cymdeithasol yn cwblhau ffurflen atgyfeirio/gofrestru. Bydd gofyn i chi lofnodi cydsyniad i'ch gwybodaeth gael ei roi i Gofrestr Fabwysiadu Cymru. Caiff eich holl wybodaeth ei gofnodi a'i gadw mewn modd sy'n cydymffurfio â deddfwriaeth Diogelu Data a'r Rheoliad Diogelu Data Cyffredinol (RhDDC).

Caiff eich gwybodaeth ei chadw a'i defnyddio at ddibenion canfod teulu ac fe'i gwaredir o Gofrestr Fabwysiadu Cymru a'i dileu a'i gwaredu'n ddiogel pan nad oes ei hangen mwyach. Gallwch hefyd ddewis dynnu'n ôl eich caniatâd i gael eich manylion ar Gofrestr Fabwysiadu Cymru ar unrhyw bryd drwy gysylltu â ni.

Protocol Rhyng Gofrestr

Mae Cofrestr Fabwysiadu Cymru wedi llofnodi Protocol Rhyng Gofrestr gyda Lloegr, Gogledd Iwerddon a'r Alban, sy'n galluogi trefniadau atgyfeirio i ddigwydd gyda Chofrestrau datganoledig eraill os caiff meini prawf penodol eu hateb yn unol ag anghenion y mabwysiadwyr a'r plant.

Cyswllt

2

Gweithredwn linell gymorth bum diwrnod yr wythnos, dydd Llun i ddydd Gwener rhwng 9.30am a 1.00pm.

Ffôn **029 2087 3799**

E-bost: cofrestrfabwysaducymru@adoptcymru.com

Gwefan www.adoptcymru.com/wales-adoption-register

Cyfeiriad: Neuadd y Sir,
Glanfa'r Iwerydd,
Caerdydd
CF10 4UW

Rhowch
LOGO EICH ASIANTAETH yma

CYDSYNIAD ATGYFEIRIO I GOFRESTR FABWYSIADU CYMRU

Rydw i/Rydym ni wedi derbyn gwybodaeth am Gofrestr Fabwysiadu Cymru ac yn deall y broses atgyfeirio/gofrestru.

Rydw i/Rydym ni yn rhoi ein caniatâd i gael ein hatgyfeirio/cofrestru ar Gofrestr Fabwysiadu Cymru am gweithgareddau canfod teulu.

(dileer fel sy'n briodol)

Argraffwch y manylion canlynol:-

Enw(au):

Cyfeiriad:

3

Llofnod(ion)

Dyddiad: _____

Dyddiad: _____

**Llofnod Gweithiwr
Cymdeithasol:**

Dyddiad _____

Asiantaeth:

Cedwir y ffurflen hon gan yr asiantaeth gymeradwyo ac ni chaiff ei hanfon i Gofrestr Fabwysiadu Cymru.